

光緒山西通志

大事記二

記三之二

山西通志第八十四

勳進士出封頭戴兵部侍郎兼都察院右副都御史巡撫山西提督軍務臣張勳奉
旨監修

北魏東西魏

北齊

北周

隋

北魏明元帝泰常六年

辛酉

二月發京師六千人築苑起自舊

苑東包白登周回四十餘里

六月北巡至蟠羊山

七月

西巡獵於柞山親射虎獲之遂至於河

八月大獮於犢渚

十月行幸代

十二月西巡至雲中

北史太宗本紀

七年正月自雲中西幸屋窳城賜從者大酺三日

九月幸

濯南宮遂如廣甯己酉詔皇太子率百國田於東苑車乘服

物皆以乘輿之副辛亥築平城外郭周回三十二里

十月甲戌車駕還宮復所過田租之半壬辰南巡出自天門踰恆

嶺四方蕃附大人各率所部從者五萬餘人同上

八年二月築長城於長川之南起自赤城西至五原延袤二

千餘里備置戍衛 閏月幸河內北登太行幸高都辛酉幸

晉陽班賜王公以下至於廡役五月還次雁門皇太子率留

臺王公迎於勾注之北 六月北巡至參合陂 七月幸三

會屋侯泉詔皇太子率百官以從 八月幸馬邑觀於渥源

十月廣西宮起外牆周回二十里 是歲飢詔所在開倉

振給同上

太武帝始光元年甲子八月蠕蠕率六萬騎入雲中殺掠人吏

攻陷盛樂帝率輕騎討之虜乃退走帝紀作攻陷盛樂宮指

之蠕蠕傳太宗崩世祖即位大檀闕而大喜乃寇雲中世祖

親討三日二夜至雲中大檀騎圍世祖五十餘重騎逼馬首
祖顏色言若眾情乃安 九月大簡輿徒於東郊將北討

十二月遣平陽王長孫翰等討蠕蠕車駕至柞山蠕蠕北

遁諸軍追之大獲而還

帝紀列傳

二年三月營故東宮爲萬壽宮起永安安樂二殿臨望觀九
華堂五月詔天下十家發大牛一頭運粟塞上十月治
兵於東郊大舉征蠕蠕東西五道並進平陽王長孫翰等從
黑漠汝陰公長孫道生從白黑二漠間車駕從中道東平公
娥清次西從粟園宜城王奚斤將軍安原等西道從爾寒山
諸軍至漠南舍輜重輕騎齋十五日糧絕漠討之大檀部落
駭驚北走是年秋夏主赫連勃勃卒子昌立雁門太守
平舒侯許洛陽家田三生嘉禾皆異壘合穎帝嘉之晉爵北
地公起天師道場於京城之東南重壇五層十月大雪

數尺

同上

三年二月起太學於城東 六月幸雲中舊宮謁陵廟西至

五原田於陰山東至和兜山 七月築馬射臺於長川帝親

登臺走馬王國諸軍長馳射中者賜金錦繪絮各有差 九

月遣司空奚斤率義兵將軍封禮雍州刺史延普襲蒲坂

十月車駕西伐幸雲中臨君子津會天暴寒數日冰結十一

月帝率輕騎二萬襲赫連昌至其城徙萬餘家而還至柞山

班所虜獲以賜將士各有差奚斤督四萬五千人襲蒲坂昌

守將赫連乙升聞斤將至遣使告昌使至統萬見大軍已圍

城遂告乙升曰昌已敗矣乙升懼棄蒲坂西走斤追敗之乙

升遂奔長安斤入蒲坂收其資器百姓安業

帝紀列傳

四年正月遣就陰山伐木大造攻具 三月詔執金吾桓貸

造橋於君子津 五月車駕西討赫連昌濟君子津次拔鄰

山築城舍輜重以輕騎三萬先行 六月甘露降於太學

七月築壇於柞嶺戲馬馳射賜射中金錦繒絮各有差蠕蠕

寇雲中聞破赫連昌懼而還走帝紀

神麇元年戊辰六月并州胡酋卜田謀反伏誅餘眾不安詔准

南公倍斤鎮慮虜以撫之 是月行幸長川甘露降於平城

宮 十月北巡田於牛川 十一月行幸河西大校獵帝紀

志

二年二月上黨李禹聚眾殺太守自稱無上王署置將帥河

內守將擊破之禹亡走入山為人執送斬之 四月治兵於

南郊車駕北伐 五月次於沙漠舍輜重輕騎兼馬至粟水

蠕蠕震怖焚燒廬舍絕迹西走蠕蠕傳大檀西走莫知所至

產布野無人收視世祖緣粟水西行過漢將寶憲故壘次於

苑園去平城三千七百里分軍搜討至瀚海西接張掖水北

度燕然山高車諸部殺大檀種類前後歸
降三十餘萬獲首虜及戎馬百餘萬匹 十月振旅凱旋

於京師列置新民於漠南東至濡源西及五原陰山竟三千

里 十一月西巡田於河西至柞山而還上

三年三月雲中河西敕勒千餘家叛尙書劉潔追滅之 是

月有白龍二見於代京人家井中 四月行幸雲中敕勒萬

餘落叛走詔尙書封鐵追討滅之帝紀靈徵志

四年正月車駕次木根山大饗羣臣賜布帛有差 五月行

幸雲中 七月行幸河西起承華宮 十月行幸漠南北部

敕勒莫弗庫若干率其部數萬騎驅鹿數百萬詣行在所帝

因而大狩以賜從者勒石漠南以紀功德 是歲道士竊謀

之造靜輪宮令其高不聞雞鳴狗吠之聲欲上與天接功役

萬計經年不成帝紀釋老志

延和元年

壬申

五月大簡輿徒於南郊

六月車駕伐和龍詔

尚書左僕射屯於漠南以備蠕蠕

七月築東宮

帝紀

二年二月行幸河西

五月行幸山北

十一月幸陰山之

北上

三年三月行幸河西

閏月秦王赫連昌叛河西將格侯殺

之 七月東宮成置屯衛三分西宮之一

行幸美稷遂至

隰城命陽平王它督諸軍擊山胡白龍於西河帝輕山胡自

引數十騎登山臨視白龍伏壯士擊之帝墜馬幾為所獲將

軍陳建以身扞之奮擊殺數人身被十餘槍乃免

九月斬

白龍及其將帥屠其城

十月破白龍餘黨於五原詔山胡

為白龍所逼及歸降者聽為平民諸與白龍同惡斬數千人

虜其妻子班賜將士有差

十二月行幸雲中

帝紀

太延元年乙亥二月詔長安及平涼民徙在京師其孤老不能

自存者聽還鄉里 五月行幸雲中 六月雨詔天下大酺

守宰祀界內名山大川靈徵志自三月不雨至於六月使有

持一玉印至路縣孫侯家賣之孫家得印奇之求訪婦人莫

知所至其文曰旱疫平寇天師曰龍文紐書云此神中三字

也 七月田於稠陽 八月遂幸河西帝紀

二年四月代京暴風宮牆倒殺數十人 八月校獵於河西

詔廣平公張黎發定州七郡一萬二千人通莎泉道 十一

月行幸稠陽驅野馬於雲中置野馬苑 并州地震帝紀天象志

三年二月幸幽州還至代所過復田租之半 五月行幸雲

中 七月使撫軍大將永昌王健司空上黨王長孫道生討

山胡白龍餘黨於西河滅之 八月行幸河西 十月行幸

雲中 十二月代京大風揚沙折樹同上

四年三月代京地震 五月行幸五原 七月車駕北伐樂平王丕河東王賀多羅督十五將出東道永昌王健宜都王穆督十五將出西道車駕出中道從浚稽北向天山西登白阜刻石紀行不見蠕蠕而還時漠北大旱無水草軍馬多死

同上

五年五月治兵於西郊 六月車駕西討沮渠牧健宜都王

穆壽輔皇太子決留臺事大將軍長樂王稽敬輔國大將軍

建甯王崇屯漠南以備蠕蠕吳提果犯塞壽素不設備賊至

七介山京師大駭爭奔中城司馬長孫道生拒之於吐頽山

會敬崇等破吳提兄乞列歸於陰山之北斬首萬級吳提聞

而遁去道生追至漠南還

列傳世祖征涼州行次雲中將濟河宴諸將於宮世祖別御靜室召

諤及司徒崔浩尚書李順謂壽曰蠕蠕吳提與牧健連和今聞朕征涼州必然犯塞若伏兵漠南殄之為易朕故留壯兵

肥馬使舞輔佐太子收田既詔便可分伏要善以待寇至引
 兵深入然後擊之擒之必矣涼州路遠朕非虛言也詩頓首
 旨授為寇侵善朕選斬卿崔浩李順為證而吳提果至侵及
 受詔壽信卜筮之言謂賊不來竟不設備而恭帝避保南山
 善無京師大駭壽不知所為欲築西郭門請恭帝避保南山
 惠太后不聽乃止道長孫道生擊走之世祖還以無大傷故
 不造 十月車駕東還徙涼州民三萬餘家於京師帝紀
 許

太平真君元年庚辰二月代京黑風竟天廣五丈餘 五月丙

午河東地震 七月行幸陰山皇太后竇氏崩於行宮 十

一月行幸山北帝紀

二年正月行幸溫泉 三月葬保母惠太后於崞山 五月

行幸山北 八月行幸河西帝紀

三年正月帝至道場親受符籙備法駕旗幟盡青 三月行

幸陰山之北 六月南秦王楊難當朝於行宮先是起殿於

陰山之北殿始成而難當至因名曰廣德焉同上

四年四月行幸陰山 六月大閱於西郊 九月行幸漠南

舍輜重以輕騎襲蠕蠕分軍爲四道至鹿潭谷與賊將遇吳

提遁走追至頰根河敗之車駕至石水而還同上

五年三月大會於那南池 五月行幸陰山之北 七月東

雍州刺史沮渠秉謀叛伏誅 八月田於河西 九月帝自

河曲至馬邑觀於崞川己亥車駕還宮丁未行幸漠南同上

六年二月幸上黨觀連理樹於泣氏西至吐京討徙叛胡出

配郡縣 白龍見代京井中 六月車駕北巡幸陰山之北

次於廣德宮詔徙諸種雜人五千餘家於北邊 九月盧水

胡蓋吳反 十一月進軍李閭堡分兵掠臨晉巴東將軍章

直與戰大敗之兵溺死於河者三萬餘人河東薛永宗聚盜

官馬數千匹驅三千餘人入汾曲西通蓋吳受其位號秦州

刺史金城公周鹿觀率眾討之不克而還詔殿書尚書扶風
公元處眞平陽公慕容嵩三萬騎討薛永宗癸未車駕西征

帝紀

靈徵志

七年正月車駕次東雍州圍薛永宗營壘永宗出戰大敗六
軍乘之永宗眾潰禽斬之其男女無少長皆赴水死車駕南
幸汾陰蓋吳退走北地 三月詔諸州阮沙門毀諸佛像徙

長安城工巧二千家於京師 六月發司幽定冀四州十萬

人築畿上塞圍起上谷西至於河廣表皆千里

帝紀

八年正月吐京胡阻險爲盜詔征東將軍武昌王提征南將
軍淮南王他討之不下山胡曹僕渾等渡河西保山以自固

二月提等合軍攻斬之其眾赴險死者以萬數 三月徙

定州丁零三千家於京師 是歲北鎮寒雪人畜多凍死

帝紀

九年二月幸上黨誅潞叛民二千餘家徙西河離石五千餘家於京師詔於壺關東北大王山累石爲之封又斬其北鳳皇山南足以斷之 六月行幸廣德宮 九月治兵於西郊行幸陰山 十二月皇太子朝於行宮遂從北討至於受降城不見蠕蠕因積糧城內留守而還帝紀

十年正月帝在漠南大饗百寮車駕北伐高昌王那出東道略陽王羯兒出西道車駕與太子自中道出涿邪山蠕蠕吐賀直恐懼遠遁 三月遂蒐於河西 五月行幸陰山 九月閱武磧上遂北伐諸軍期會於地弗池吐賀真悉國精銳圍高昌王那數十重大軍將至解圍遁那引軍追之收其輜重而還與車駕會於廣澤略陽王羯兒盡收其人戶畜產百

餘萬自是邊疆息警 十月皇太子及羣官奉迎於行宮上

十一年二月大蒐於梁川 大治宮室皇太子居於北宮

六月北巡陰山 八月田於河西治兵於西郊 九月車駕

南征皇太子北伐屯於漠南吳王余留守京都上

正平元年辛卯三月車駕至自南伐飲至策勳告於宗廟以降

民五萬餘家分置近畿賜留臺文武所獲軍資生口各有差

五月戊辰皇太子薨王申葬景穆太子於金陵 七月行

幸陰山 十月行幸陰山上

二年三月甲寅中常侍宗愛構逆帝崩於永安宮 五月葬

於雲中之金陵 是歲十月戊辰皇孫即皇帝位於永安前

殿大赦改年北史本紀

文成帝興安二年癸巳二月發京師五千人穿天淵池 五月

行幸崞山 七月行幸陰山築馬射臺於南郊 八月內苑

獲方寸玉印其文曰子孫長壽 九月閱武於南郊帝紀

興光元年甲午二月帝至道壇登受圖錄禮畢曲赦京師班賞

各有差 六月行幸陰山 九月閉都城門大索三日獲姦

人亡命數百人 十一月北鎮將房杖擊蠕蠕虜其將豆澤

與句等獲馬千餘匹 十二月幸靈邱至溫泉宮同上

太安元年乙未六月曲赦京城 是月改於犢倪山 七月行

幸河西同上

二年二月丁零數千家亡匿井陘山聚為寇盜詔定州刺史

許宗之并州刺史乞佛成龍討平之 八月甲申改於河西

十月甲午曲赦京師同上

三年正月改於崞山 五月改於松山 六月行幸陰山

八月改於陰山之北同上

四年三月起太華殿 六月改於松山 七月行幸河西

九月太華殿成宴羣臣大赦天下 十月北巡至陰山有故

冢毀廢詔曰昔姬文葬枯骨天下歸仁自今有穿毀墳壟者

斬辛卯車駕次於車輪山累石紀行度漠蠕蠕絕迹遠遁其

別部烏朱賀頽庫世頽率眾來降同上

五年三月曲赦京師 六月幸陰山 八月幸雲中 十二

月詔以六鎮雲中災旱年穀不收開倉廩以振之有流徙者

輸還桑梓市糶他界為開傍郡通其交易之路若典司之官

分職不均使上恩不達於下下民不贖於時加以重罪無有

武從同上

太平元年庚子二月衛將軍樂安王良督東雍吐京六壁諸軍

西趨河西將軍皮豹子等督河西諸軍南趨石樓以討河西
叛胡 七月行幸河西 是年三月代京大風晦冥 七月

甘露降於代京 十一月雁門泉水湧出

帝紀
靈徵志

二年二月行幸中山 三月車駕所過皆親對高年問疾苦
靈邱南有山高四百餘丈詔羣臣仰射山峰無能踰者帝彎
弧矢出三十餘丈過山南二百二十步遂刊石勒銘 是月
發并肆州五千餘人修河西獵道

帝紀

三年二月畋於崞山遂觀漁於旋鳩池 六月行幸陰山

七月幸河西 是歲沙門雲曜於京城西武州鑿山石壁開
窟五所鑄建佛像 部帥賀略孫聚眾千餘人叛於石樓安

西將軍陸真擊破之殺五百餘人

帝紀列傳
釋老志

四年三月賜京師人年七十以上太官廚食以終其年 四

月幸西苑親射虎三頭 五月行幸陰山 七月詔曰朕每
歲以秋日閒月命羣臣講武平壤所幸之處必立宮壇糜費
之功勞損非一宜仍舊貫何必改作也八月遂田於河西詔
從官及典圍將校自今以後不聽濫殺又詔曰前以民以饑
寒不自存濟有賣鬻男女者盡仰還其家或因緣勢力或私
行請託共相通容不時檢校令良家子女仍爲奴婢今仰精
究不聽收贖有犯加罪若不檢還聽其父兄上訴以掠人論

帝紀

五年二月詔以州鎮十四去歲蟲水開倉振恤 閏月戊子
帝以旱故減膳責躬是夜對雨 六月行幸陰山 七月北
鎮游軍大破蠕蠕 是月行幸河西同上

六年二月行幸樓煩宮 五月帝崩於太華殿 八月葬雲

中之金陵

同上

獻文帝天安二年丙午三月帝幸道壇親受符籙曲赦京師

同上

皇興元年丁未八月行幸武州山石窟寺 九月詔賜六鎮貧

人布人三匹 十月田於那男池

同上

二年二月田於西山親射虎豹 五月田於崞山遂幸繁峙

六月曲赦京師殊死以下 十月田於冷泉 十一月以

州鎮水旱開倉振恤

同上

三年四月田於崞山 五月徙青州民於京師立平齊郡於

新平城以領之

帝紀列傳

四年八月蠕蠕子成犯塞車駕北討京兆王子推東陽公元

丕督諸軍出西道在城王雲等督諸軍出東道汝陰王天賜

濟南公羅烏拔督諸軍為前鋒隴西王源賀督諸軍為後繼

諸將會車駕於女水之濱帝親誓眾選精兵五千人挑戰多
設奇兵以惑之虜眾奔潰逐北三十餘里斬首五萬級降者
萬餘人戎馬器械不可稱計旬有九日往反六千餘里改女
水曰武川遂作北征頌刊石紀功 十二月幸鹿野苑石窟

寺帝紀
窟傳

五年六月行幸河西時河西羌胡領部落反帝親征車駕至
并州詔李洪之爲西河都將皆保險拒戰洪之築壘於石樓
南白雞原開以大信聽其復業遂降 八月冊命皇太子升
帝位上尊號太上皇帝徙御崇光宮 是歲十一月肆州秀
容民獲麟以獻北史紀傳
靈徵志

延興二年壬子二月蠕蠕犯塞太上皇帝次於北郊詔諸將討
之虜遁走北部敕勒叛奔蠕蠕太上皇帝追至石磧不及而

還 五月行幸陰山 十月蠕蠕犯塞及五原十一月太上
皇帝親討之將度漠蠕蠕聞之北走 十二月詔以代郡事
同豐沛代人先配戍邊者免之紀帝

三年正月改崇光宮為甯先宮 三月詔諸倉屯穀麥充積
者出賜貧人 八月帝從太上皇帝幸河西 十二月詔開

外苑開聽燕採上同

四年五月雁門崎城有聲如雷自上西十餘聲聲止地震

八月大閱於北郊 十月代京地震 十一月詔西征吐谷

渾兵叛軍分配柔元武川二鎮帝紀靈徵志

五年五月丁未幸武州山辛酉幸車輪山 是月代京赤風

六月曲赦京師死罪遣備蠕蠕 十月太上皇帝大閱於

北郊同上

承明元年丙辰六月辛未太上皇帝崩於永安殿 七月葬金

陵 八月庚申并州鄉郡大雹平地尺草木禾稼皆盡 九

月曲赦京師 十月起七寶永安行殿辛未興駕幸建明佛

寺同上

太和元年丁巳正月起太和安昌二殿 雲中饑開倉賑恤

二月漢川民泉會譚西等相率內屬處之并州 三月辛白

登山遂至崢山 五月車駕祈雨於武州山俄而澍雨大洽

七月起朱明思賢門 九月起永樂遊觀殿於北苑穿神

淵池 十月宴京邑耆老年七十以上於太華殿賜以衣服

詔七十以上一子不從役 是歲代京地震有狐魅截人髮

武川鎮獻玉印青質素文其文曰大昌代京南游越谷出青

碧石柱數百枚帝紀 靈徵志

二年二月行幸代之湯泉所過問民疾苦以宮人賜貧民無妻者 四月幸崞山京師蝗甲辰祈天災於北苑親自禮焉 減膳避正殿丙午澍雨大洽曲赦京師 六月幸鹿苑 七月武川鎮大風失去六家羊角而上不知所在并州地震有聲 九月曲赦京師上同

三年正月坤德六合殿成 二月帝太皇太后幸代郡溫泉問民疾苦饒貧者以宮女妻之 三月曲赦京師 四月幸崞山 五月丁巳帝祈雨於北苑閉陽門是日澍雨大洽戊午震東廟東中門屋南鷗尾 六月起文石室靈泉殿於方山 七月朔州吐京鎮大霜禾豆盡死 八月幸方山起思遠佛寺 十月代京地震 十一月賜京師貧窮高年疾患不能自存者衣服布帛各有差上同

四年正月乾象六合殿成 罷畜鷹鶴之所以其地爲報德
佛寺 四月幸廷尉籍坊二獄引見諸囚 辛巳幸白登山

五月丙申朔幸火山 己酉代京地震 六月以澍雨大

治曲赦京師 七月幸火山 改作東明觀曲會京師耆老

賜錦綵衣服几杖稻米蜜麪復家人不徭役丁亥幸虎園親

錄囚徒輕者皆免之 八月甲辰幸方山戊申幸武州山石

窟寺 九月甲子朔代京大風雨雪三尺詔曰隆寒雪降諸

在徵纒及轉輸在都或有凍餒朕用愍焉可遣侍臣詣廷尉

獄及有囚之所周巡省察飢寒者給以衣食桎梏者代以輕

鎖帝紀

五年二月沙門法秀謀反伏誅南征諸將大破齊軍俘獲之

萬餘口送京師 三月辛酉朔車駕幸肆州講武於雲水之

陽所經考察守宰加以黜陟己巳車駕還宮詔曰法秀妖詐
亂常妄說符瑞蘭臺御史張求等一百餘人招結奴隸謀爲
大逆有司科以族誅誠合刑憲但矜愚重命猶所不忍其五
族者降止同祖三族止一門門誅止身 四月行幸方山建
永固石室於山上立碑於石室之庭又銘太皇太后終制於
金册又起鑿元殿 九月庚午閱武於南郊大饗羣臣同上
六年二月詔以靈邱郡土旣褊瘠又諸路衝官私所經供費
非常往年巡行見其勞瘁復民租調 三月行幸虎圈詔以
虎狼猛暴食肉殘生從今勿復捕貢辛巳幸武州山石窟寺
賜貧民老者衣服 四月甲辰賜畿內鰥寡孤獨不能自存
者粟帛有差 七月發州郡五萬人治靈邱道同上
七年三月肆州風霜殺菽 四月幸崞山賜所過鰥寡不能

自存者衣服粟帛 肆州地震有聲 五月幸武州山石窟

寺 七月丁丑幸太皇太后幸神淵池甲申幸方山 九月

皇信堂成帝紀

八年四月肆州暴風蝗 甲寅幸方山庚申行幸旋鴻池遂

幸崞山 七月幸方山及石窟寺 十一月丙申并州地震

同上

九年正月大饗羣臣於太華殿班賜皇詔 四月幸方山

五月幸方山遂幸靈泉池 六月肆州及司州靈邱隕霜庚

戌暴風折木 七月新作諸門戊子幸魚池登青原岡 八

月己亥行幸彌澤甲寅登牛頭山 九月朔州大水殺千餘

人 是年京師及州鎮十三水旱傷稼同上

十年正月辛未并州地震殷殷有聲 二月甲子代京地震

丙寅又震三月壬子又震 四月幸靈泉池 六月幸方山

七月幸方山 九月詔起明堂辟雍 十二月蠕蠕犯塞

是年并州治中張萬壽表建興渡澤縣民買日成養蠶有

絲網成幕中有墨物似絹帶長四尺廣三寸薄上復得黃繭

二狀如履形同上

十一年二月詔以肆州之雁門及代郡民饑開倉賑恤 五

月幸靈泉池 八月蠕蠕犯塞遣平原公陸叡討之 罷北

山苑以其地賜貧民 十月詔罷起部無益之作出宮人不

執機杼者 十一月詔罷尙方錦繡綾羅之工其御府衣服

金珠玉綾羅錦繡大官雜器大僕乘具內庫弓矢出其大半

班資百官及京師士庶下至工商阜隸逮於六鎮戍士各有

差 是歲大旱都民飢牛又疫或以馬驢橐駝供駕輓耕詔

聽民就豐行者十五六同上帝紀九月庚戌詔曰夫夏以
 分籍故依局割民閭戶造籍欲令去留得實賑貸平均然遇
 者乃籍有死衢路無人收拾良由本部不明籍貫未實稟
 恤不周以至於此朕猥居民上聞
 用慨然可重遣精檢勿令遺漏

十二年四月幸靈泉池遂至方山 五月壬寅代京連日大

風甲辰尤甚發屋拔樹 詔六鎮雲中河西及關內六郡各

修水田通渠灌溉 六月壬申代京大風 七月幸靈泉池

遂幸方山 九月起文宣堂經武殿 閏月甲子帝觀築圓

丘於南郊辛未幸靈泉池帝紀

十三年正月辛亥車駕有事於圓丘初備大駕 四月丁亥

幸靈泉池遂幸方山 五月庚戌車駕有事於方澤 七月

丁酉朔代京大風拔樹發屋 丙寅幸靈泉池與羣臣御龍

舟賦詩而罷立孔子廟於京師 八月乙未汾州貫霜 九

月宮人以賜北鎮人貧無妻者 癸丑有雄雉集於太

華殿上

十四年正月乙丑行幸方山 二月辛未行幸靈泉池 九

月太皇太后馮氏崩 十月癸酉葬文明太皇太后於永固

陵甲戌車駕謁永固陵羣臣固請公除帝不許己卯車駕謁

永固陵庚辰帝居廬引見羣寮於太和殿甲申車駕謁永固

陵紀帝

十五年正月丁卯帝始聽政於皇信東室分置左右史官

三月甲辰車駕謁永固陵 四月癸亥帝始進疏食乙丑謁

永固陵自正月不雨至於癸酉有司奏祈百神下詔責己乙

卯經始明堂改太廟 五月己亥議改律令於東明觀折疑

獄 七月乙丑謁永固陵規建壽陵乙酉車駕巡省京邑聽

訟而還 八月移道壇於桑乾之陰改曰崇虛寺 十月庚

寅車駕謁永固陵 十一月明堂太廟成丁卯遷七廟神主

於新廟 十二月壬辰遷社於內城之西癸巳爲高麗王棧

舉哀於城東行宮己酉車駕迎春於東郊

同上

十六年正月戊午朔遷羣臣於太華殿戊辰臨思義殿策問

秀孝 二月戊子帝移御永樂宮庚寅壞太華殿經始太極

殿壬辰幸北部曹厯親諸省巡省京邑聽理冤訟甲午初朝

日於東郊遂以爲常丁酉詔祀唐堯於平陽夏禹於安邑丁

未改謚宣尼曰文聖尼父告謚孔廟 三月丁卯巡省京邑

癸酉省西郊郊天雜事乙亥車駕迎氣於南郊自此爲常

四月幸皇宗學親問博士經義 五月癸未詔羣臣於皇信

室更定律條帝親臨決之 八月庚寅車駕初夕月於西郊

遂以爲常 九月甲寅朔大序昭穆於明堂祀文明太皇太

后於元室辛未帝以文明太皇太后再周忌日哭於陵左絕

膳三日哭不輟聲 十月太極殿成大饗羣臣 十一月乙

卯依古六寢權制三室以安昌殿爲內寢皇信堂爲中寢四

下爲外寢靈徵志是月乙亥高祖與沙門道登幸侍中省日

之而退問諸左右咸言鬼衣黃袍袴當戶欲入時以爲人叱

不見惟上與道登見之 十二月賜京邑老人鳩杖同上

十七年正月壬子朔饗百寮於太極殿 二月己酉車駕始

藉田於都內 三月改作後宮帝幸永興國徙御宣文堂

五月壬戌宴四廟子孫於宣文堂帝親與之齒行家人之禮

丁丑以旱撤膳 八月帝辭永固陵車駕發京師南伐步騎

百餘萬帝以平城地寒六月雨雪風沙常起將還都王寅車

駕至肆州民年七十以上賜爵一級路見眇跛者停駕親問

賜衣食復終身戊申幸并州親見高年問所疾苦丁巳詔以
車駕所經傷民秋稼者畝給穀五斛戊辰濟河詔洛懷并肆
所過四州之民百年以上假縣令九十以上賜爵三級八十
以上賜爵二級七十以上賜爵一級鰥寡孤獨不能自存者
粟人五斛帛二匹孝悌廉義文武應求者皆以名聞 十月
己巳詔安定王休率從官迎家於代京車駕送於漳水上上同
十八年二月壬寅車駕北巡詔天下喻以遷都之意閏月癸
亥次句注陘南皇太子朝於蒲池壬申至平城宮癸酉臨朝
堂部分遷留甲戌謁永固陵 二月帝臨太極殿諭在代羣
臣以遷移之略 七月壬辰車駕北巡戊戌謁金陵辛丑幸
朔州八月癸卯皇太子朝於行宮甲辰行幸陰山觀雲川丁
未閱武臺臨觀講武癸丑幸懷朔鎮己未幸武川鎮辛酉幸

撫冥鎮甲子幸柔元鎮乙丑南還所過皆親見高年問民疾
貧窘孤老賜以粟帛丙寅詔六鎮及禦夷城人年八十以上
而無子孫兄弟終身給其糜粟七十以上家貧者各賜粟十
斛又詔諸北城人年滿七十以上及廢疾之徒校其元犯以
準新律事當從坐者聽一身還鄉又令一子扶養終命之後
乃遣歸邊戊辰車駕次旋鴻池庚午謁永固陵辛未還平城
宮 十月戊申親告太廟奉遷神主辛亥車駕發平城宮

十二月優復代遷之戶租賦三歲

同上

十九年六月癸卯詔皇太子赴平城宮丙辰詔遷洛之民葬
河南不得還北於是代人南遷者悉爲河南洛陽人 九月
六宮及文武盡遷洛陽 是年吐京胡新支反自號爲王詔
章武王元彬持節假平北將軍行汾州事率并肆之眾往討

之新支遣精騎一千邀路斷截中堅將軍奚康生率五百人拒戰破之追至石羊城斬首三十級彬甲卒七千與對戰俱敗康生軍獨全新支走死車突谷胡平仍除彬汾州刺史胡民去居等六百餘人保險謀反扇動徒類彬請兵二萬帝大怒曰何有動兵馬理也可隨宜肅治若不動權方靜帖必須大家者則先斬刺史然後發兵彬奉詔大懼率州兵身先將士討平之

帝紀
列傳

二十年正月辛未并州地震 二月詔介山之邑聽爲寒食自餘禁斷 十月以代遷之士皆爲羽林虎賁 閏月右將軍元隆大破汾州叛胡 十二月恆州刺史穆泰在州謀反遣行吏部尙書任城王澄率并肆兵討之治書侍御史李煥單車入代曉諭逆徒示以禍福於是凶黨離心莫爲泰用泰

率麾下數百人攻煥郭門弗克單馬走出城爲人擒送

同上

三十一年正月車駕北巡二月壬戌次於太原親見高年問

所不便詔并州士人年六十以上假以郡守癸酉車駕至平

城帝至平城引舊秦陸毅之黨問之無一人稱枉者時人皆

洛陽春遷部落甲戌謁永固陵癸未幸雲中三月辛卯謁

金陵之未南巡己酉次離石叛胡歸罪宥之甲寅詔汾州民

百年以上假縣令九十以上賜爵三級八十以上賜爵二級

七十以上賜爵一級丙辰次平陽遣使者以太牢祭唐堯

四月庚申遣使者以太牢祭夏禹癸亥行幸蒲坂遣使者以

太牢祭虞舜戊辰詔修堯舜夏禹廟

帝紀

二十二年九月辛卯并州地震

靈徵志

二十三年三月肆州上言陽曲縣羊生羔一頭二身一牝一

牡三耳八足 十月并州上言百節連理生懸甕山上同

宣武帝景明元年庚辰六月建興郡實霜殺草 五月以北鎮

饑遣兼侍中楊播巡撫振恤 八月乙亥并朔汾州司州之

正平平陽暴風實霜帝紀

二年七月蟻蠅犯塞 築武川鎮城帝紀水經注

三年九月東秦州暴風昏霧拔樹發屋靈徵志

四年正月壬申并州地震 三月己未司州之河東河北正

平平陽大風拔樹 五月癸酉汾州大雨雹六月又大雨雹

草木稼穡兔皆死 七月甲戌暴風大雨雹起自汾州經并

相司充至徐州而止廣十里所過草木無遺同上

四年七月詔還收鹽池利以入公 十一月詔尙書左僕射

源懷撫勞代都北鎮隨方拯恤帝紀

正始元年甲申五月壬戌武川鎮實霜大雨雪 六月辛卯懷

朔鎮實霜 七月戊辰東秦州實霜暴風拔樹 九月蟞蟞

犯塞詔左僕射源懷討之懷至雲中蟞蟞遁去懷案視要害

之地欲東西為九城及儲糧積仗之宜犬牙相救之勢凡五

十八條表上帝是其言隨宜定議設置帝紀靈徵志

二年五月恆汾二州實霜殺稼 七月戊戌恆州實霜 九

月己丑恆州地震靈徵志

三年四月詔罷河東鹽池之禁初河東鹽池立官收稅景明

元年中尉甄琛上表請弛鹽禁彭城王勰等以為鹽池之禁

為日已久應如舊式四年詔依例禁未幾復如琛議已而鹽

利多為富強所擅乃還收入公至是復罷之 是月詔遣使

者巡慰北邊首庶帝紀食貨志

永平元年子戌三月己丑并州實霜志

二年四月辛亥武川鎮實霜 詔以武川鎮饑開倉振恤帝紀

靈徵

三年四月平陽郡之禽昌襄陵二縣大疫自正月至此月死者二千七百三十人帝紀

四年正月汾州劉龍駒聚眾反詔諫議大夫薛和率汾華東秦夏四州之眾討平之和因表立東夏州從之 五月庚戌

恆州地震殷殷有聲十月己巳又震有聲如雷同上

延昌元年壬辰四月庚辰并恆州地震恆州之繁時桑乾靈邱

肆州之秀容雁門地震陷裂山崩泉湧殺五千三百一十人

傷者二千七百二十二人牛馬雜畜死傷者三千餘 戊辰

並河北民就穀燕恆二州辛未詔饑民就穀六鎮癸未詔曰

肆州地震陷裂死傷甚多有酸懷抱亡者不可復返生病之徒宜加療救可遣太醫折傷醫并給所須之藥就治之上

二年二月以六鎮大饑開倉振恤 閏二月以苑牧之地賜

代遷民無田者 五月甲寅日有食之京師不見恆州以開

十月詔以恆肆地震人多死傷重可一年租賦 十二月

詔以恆肆地震人多災離其有課丁沒盡老幼單立家無受

復者各賜廩粟以接來稔 北史本紀魏書天象志

三年二月乙未詔肆州秀容郡敷城雁門郡原平縣並自去

年四月以來山鳴地震於今不已告譴彰咎朕甚懼焉可恤

瘼寬刑以答天譴 北史本紀

孝明帝熙平二年 丁酉十月以北京根舊帝業所基南遷二紀

猶有留住懷本樂故未能自遣悉可聽其仍停安堵永業

十一月并州表送祁縣民韓僧真女令嫗從母右脇而生

太后令付掖庭帝紀

神龜元年戊戌閏七月開恆州銀山之禁與民共之 是歲高

陽王元雍等奏鹽池天藏資育羣生前立禁限遠近齊平公

私兩利及罷禁乃為繞池之擅自固護障禁倍於官司請復

監禁從之食貨志

正光元年庚子晉陽有虹為女子文顯進之異聲如鐘復為虹

而去通鑑外紀

二年七月朔州獻嘉禾 八月蟞蟞後主郁久閭侯匿代來

奔懷朔鎮 八月以蟞蟞阿那瓌投化處之吐若奚泉遣沃

野復朔武川各差二百人令當鎮軍監率給其糧仗送至阿

那瓌所為其造構又給朔州麻子乾飯二千斛官駝運送自

是蠕蠕國分爲二帝紀靈徵志蠕蠕傳

三年六月并州靜林寺僧在陽邑城西椽谷得玉璧五珪十印一玉柱一玉蓋一並以獻 八月肆州獻嘉禾一根生六

穉靈徵志

四年二月蠕蠕主阿那瓌率眾犯塞遣尙書左丞元孚爲北

道行臺持節諭之四月阿那瓌執元孚驅掠畜牧北遁詔驃

騎大將軍尙書令李崇中軍將軍兼尙書右僕射元纂率騎

十萬討蠕蠕出塞三千餘里不及而還列傳子持白虎幡勞

二鎮之間阿那瓌眾號三十萬陰有異志遂拘留孚所過剽掠至平城乃聽孚還

元纂擊蠕蠕阿那瓌聞之驅民北纂使參軍于謹追至郁對原前後十七戰屢破之沃野鎮民破六

韓拔陵聚眾反殺鎮將遣衛可孤攻圍武川懷朔二鎮懷朔

鎮將楊鈞及統軍賀拔度拔等拒之 八月勅北道行臺遣

使巡檢遭寇之處饑餒不粒者厚加振恤務令存濟帝紀列傳

五年三月詔臨淮王或為鎮軍將軍假征北將軍都督督諸

軍討拔陵四月拔陵陷武川懷朔五月或與拔陵戰於五原

敗績詔尙書令李崇加使持節開府北討大都督撫軍將軍

崔暹廣陽王深皆受節度又詔崇子光祿大夫神軌假平北

將軍隨崇北討通鑑拔陵遣別帥衛可孤圍武川鎮又攻懷

朔子允勝岳為軍主以拒之被圍經年外援不至賀拔勝濟

出至朔州見臨淮王或說之日懷朔被圍旦夕淪陷太王今

頓兵不進懷朔若陷則武川亦危賊之銳氣百倍雖有良平

不能為太王計矣或許為出師勝復突圍而入鈞復遺勝

出規武川武川已陷勝馳還懷朔亦潰勝父子俱為可孤所

虜五月或與拔陵戰於五原兵敗魏主引羣臣問計尙書元

鎮為州開鎮百非冀之心致有今日之患然崇貴戚峻望器

識英敏意欲還道崇行崇至五原崔暹違崇節制與拔陵戰

於白道之北大敗拔陵并力攻崇崇與廣陽王深力戰相持

東西部敕勅皆叛附於拔陵崇力不能禦引還雲中 八月

詔改鎮為州諸軍人實非有罪配隸者皆免為民 南秀容

牧子于乞真反殺太僕卿陸延別將爾朱榮討平之 十二

月汾州正平平陽山胡叛逆詔征東將軍章武王融封爵為

大都督率眾討之 都督李崇引軍還平城表費穆為朔州

刺史留鎮雲中詔徵李崇還以廣陽王深督軍事 賀拔度

拔及武川宇文肱糾合鄉里豪傑襲衛可孤殺之尋與鐵勒

戰敗沒列傳度拔子勝為軍士拔陵圍廣陽王深於五原勝

里深拔軍向朔州勝常為殿 宇文肱與衛可孤戰於武川

南河臨陣墜馬子頤與數騎奔 殺殺數十人賊眾披靡肱乃

得上馬引去俄而賊追騎大至頤遂戰沒

孝昌元年乙三月破六韓拔陵別帥王也不盧等攻陷懷朔

鎮 六月蠕蠕主阿那瓌率眾十萬大破拔陵斬其將孔雀

等拔陵南徙渡河西部鐵勒以眾降廣陽王深要擊拔陵大

破之降其眾二十萬拔陵尋為蠕蠕所殺

獨存久之援軍不至糧伏俱盡刺史費穆起未易專力

於秀容于謹言於廣陽王深曰今寇盜叢起未易專力

勝也謹請奉太王之盛命論以禍福庶幾可離許之謹通諸

國語乃單騎詣叛胡營見其酋長開示恩信於是西鄙鐵勒

酋長也列河等將三萬餘戶詣深降深欲引兵迎之謹曰破

六韓拔陵兵勢甚盛聞也列河等來降必引兵以待之深從之

險要未易敵也若不若以也列河等之來而伏兵以待之深

七列河之眾而還柔然頭兵可汗大破拔陵按陵大敗復得

徙渡河前受降者二十萬人東道都督崔暹敗於白

北道大書曰督受向書令李崇節度其所由來非一朝也昔皇

道深上防書曰重盛簡親以成紛梗其時道都督崔暹敗於白

始以不移防為重盛簡親以成紛梗其時道都督崔暹敗於白

和在不歷僕射李充當官任復除時人免斬為之及大

仍防邊戍自非得罪當官任復除時人免斬為之及大

品通直一鎮者便為清途所隔或投彼有北流兵扼之於鼎

逃胡鄉乃峻邊兵之不得遊官獨為匪人言者流涕自定鼎

少年不得從師長者不得遊官獨為匪人言者流涕自定鼎

伊洛邊任益輕唯底滯几才出為鎮將轉相模習學聚斂
 或有諸方姦吏犯罪配邊為之指縱過弄官府政以賄立
 能自改威言姦吏為此無不切齒增怒及阿那瓌背恩縱
 竊奔命師追之十五萬眾度沙漠不日而遷邊人見此授
 便自意輕中國尚書令臣崇度時即申聞求改鎮為州將
 顛抑亦尤兇朝廷未許而高闕戍主率下失和按陵殺之
 送攻城掠地所見必誅王師屢北賊黨日甚此段之舉指
 銷平其崔暹隻輪不反臣崇與臣遠巡復路今者相與選
 去中馬將是瞻未便西道將士之情莫不解體今日所慮
 止西北將恐諸鎮守亦如天下之事何易可量時不納其
 策東西諸勒為州以願人望會六鎮盡叛不得施行深後
 為大吏欲復鎮為州以願人望會六鎮盡叛不得施行深後
 上言今六鎮俱叛二部高車亦同惡黨以疲兵討之不制
 敵請簡選兵或留守佐州要處更為後圖及李崇教還深專
 總戎政按陵選蠡蠕南移渡河先是別將李叔以按陵來
 請求迎後深赴之冀定瀛三州深謂繁日此人深表為乞
 置不從分散之既而鮮于修禮反於定州杜洛周反於幽州
 亂當由此作既而鮮于修禮反於定州杜洛周反於幽州其
 餘降戶猶在恆州遂欲推深為主深乃上
 書乞還京師令左衛將軍楊津代為都督

帝紀

二年三月勒勒斛律洛陽反於桑乾西與費也頭牧子通連

別將爾朱榮率騎破洛陽於深井逐牧子於河西 四月朔

州人鮮于阿胡庫狄豐樂據城反 五月以章武王融為大

都督安西將軍光祿大夫宗正珍孫為都督討汾州叛胡西

北道行臺裴良與汾州刺史王景和擊羣胡大破之列傳汾

胡薛羽等作逆以中散大夫裴良兼尚書右丞為西北道行

臺值別將李德龍為羽所破良入汾州與刺史汝陰王景和

及德龍率兵數千憑城自守併力攻逼詔遣行臺裴延儻大

都督章武王融宗正珍孫等赴援時有五城郡山胡馮宜都

賀悅回成等以妖妄惑眾假稱尊號服素衣持白幟率

諸逆眾於雲臺郊抗拒王師融等與戰敗績賊乘勢圍城良

平將上出戰大破之陣斬回成 六月南絳賊陳雙熾等聚

眾自號建始王建興蜀亦反相與連勢詔假鎮西將軍都督

維討雙熾以河內太守源子恭假平北將軍征建興合勢進
討大破之正平賊帥范明遠與賊帥劉牙奴並降別將裴慶
絳蜀於齊子嶺深入二百餘里至陽胡城朝廷以此 七月
地被山帶河衿要之所遂立邵郡以慶孫為太守

鮮于阿胡擁流民東下攻平城城內開門應之恆州陷行臺
元纂奔冀州 八月都督爾朱榮率眾至肆州刺史尉慶賓
閉門不納榮怒攻拔之署其從叔羽生爲刺史執慶賓於秀
容自是榮兵威漸盛朝廷亦不能罪責也尋除鎮北將軍

帝紀

列傳

三年十月都督蕭寶夤反正平民薛鳳賢據安邑聞喜民薛
修義圍河東以應之詔都督宗正珍孫討鳳賢長孫稚討寶
夤於長安珍孫守虞坂不得進稚軍至宏農左丞楊侃曰河
東治蒲坂西逼河封疆多在郡東修義驅民西圍郡城其家
皆留舊村一旦聞官軍皆有內顧之憂必望風潰矣稚乃使
其參軍與侃率兵北進據石錐壁命送降者各還村俟臺軍
舉三烽當以烽相應無應烽者乃賊黨也當進擊屠之於是

村民轉相告語雖實未降者亦詐舉烽一宿之間火光數百里賊圍城者不測各散歸修義鳳賢俱降列傳

孝莊帝武泰元年戊申二月爾朱榮舉兵南下 五月榮行臺

郎中樊子鵠攻陷平陽斬唐州刺史崔元珍行臺郎倅 以

賀拔勝為鎮遠將軍領步騎五千鎮井陘同上

永安二年配正月燕州民王慶祖聚眾於上黨自稱為王爾

朱榮討擒之 九月帝誅爾朱榮爾朱世隆反北走詔大都

督兼尚書僕射行臺源子恭率步騎一萬出自西道行臺楊

昱領都督李侃希等部募勇士八千往從東路防討之子恭

仍鎮太行丹谷世隆至建州刺史陸希質拒守城陷屠之惟

希質獲免世隆停建興至高都爾朱兆自晉陽會之共推太

原太守行并州刺史長廣王曄為主即位於長子大赦所部

號年建明 十月爾朱兆寇丹谷都督崔伯鳳戰歿都督羊

文義史五龍降兆大都督源子恭退走 甲寅爾朱兆遜帝

於晉陽甲子崩於城內三級佛寺 是月河西人紇豆陵步

蕃襲秀容南至晉陽爾朱兆回師禦之類為步蕃所敗乃分

三州六鎮之人令晉州刺史高歡統領之步蕃至樂平歡與

兆還擊破之斬步蕃於秀容之石鼓山帝紀列傳

節閔帝普泰元年辛亥四月高歡統眾就食山東自晉陽趣滏

口時葛榮眾流入并肆二十餘萬為契胡陵暴貧極屢反雖

誅之不能止爾朱兆患之使歡統其眾歡建牙陽曲川謀以

其眾就食山東兆從之歡建牙陽曲川陳部分有款軍門者

之則以力開書於并州肆盜殺入者乃署為親信都督兵士

素惡兆而樂歡於是莫不皆至居無何又使劉貴請兆以并

肆類歲霜旱降戶攝黃飢食之皆面無穀色徒路遇爾朱榮

汚人國土請令就食山東待溫飽而處分之

妻鄉郡長公主自洛陽來馬三百盡奪易之兆怒自追至襄垣水漲橋斷歡隔水拜曰借馬備山東盜耳願渡而受死則此眾便叛兆輕騎渡與歡盟誓留飲去歡舍大王山六旬始出滏口號令嚴肅兵勢始盛歡至信都遂起兵以誅爾朱氏為名 七月爾朱兆率步騎二萬出井陘趣般州同上

孝武帝永熙元年壬子三月丞相高歡大破爾朱兆於韓陵兆走還并州城內四月建州大都督張悅舉城降歡率眾入自滏口大都督庫狄干入自井陘歡次武鄉驃騎將軍高隆之率步騎十萬趣太行與歡會討兆兆大掠晉陽北走秀容并州平歡遂據晉陽建大丞相府而居焉同上

二年正月大丞相高歡自晉陽出討爾朱兆大破之於赤洪嶺兆竄窮山殺所乘馬自縊於樹擒其弟虎於梁郡尉嵐之

南山慕容紹宗以爾朱榮妻子及餘眾保烏突戍尋降於歡列傳

三年正月大丞相高歡討費也頭於河西苦洩河大破之獲其帥紇豆陵伊利遷其部落於內地 三月并州三教寺南

門災 六月大丞相歡遣三千騎鎮建興益河東兵 七月

大丞相歡舉兵晉陽南下關西大都督宇文泰遣行臺趙貴

自蒲坂濟趣并州貴率甲騎迎帝帝奔長安歡至洛陽迎清

立之是為孝靜改年天 八月大丞相歡至宏農遂西克潼

平魏於是始分為二 關進軍長城龍門都督薛崇禮降歡退舍河東命行臺尙書

長史薛瑜守潼關大都督庫狄溫守封陵於蒲津西岸築城

守華州以薛紹宗為刺史帝紀列傳

東魏孝靜帝天平二年西魏文帝大統元年三月大丞相高歡討平山

胡劉蠡升斬之其子南海王復僭帝號進擊擒之及其弟西
海王皇后夫人以下四百人并逋逃之人二萬餘戶 司馬
子如攻潼關回軍自蒲津略華州西魏刺史王肅拒之 十

一月龍見於并州人家井中

帝紀

三年八月并肆建州隕霜大饑 十一月詔尙書遣使巡檢

河北流移餓人入井陘滏口所經之處若有死尸卽爲藏掩

十二月大丞相高歡西伐次於蒲津

同上

四年四月乙酉并肆汾建晉東雍南汾秦陝九州霜旱人飢

流散開倉振恤 八月西魏中軍大都督賀拔勝自陝渡河

將軍高干遁勝追獲囚之下河北擒郡守孫曼克河北郡

十月大丞相高歡西伐濟白蒲津與西魏戰於沙苑大敗歡

踰棗駝俟船而歸 西魏將賀拔勝李弼渡河圍蒲坂牙門

將高子信開門納勝軍刺史薛崇禮棄城走勝等追獲之其

大丞相宇文泰進軍蒲坂略定汾絳自平陽以西東及邵郡

並入於西魏通鑑高歡迫逐乘輿起兵斷其歸路此千載一

其腹今又稱兵西上吾欲與兄起兵斷其歸路此千載一

也祥從之糾合鄉里有取萬餘會款自沙苑敗歸此千載一

邀之斬獲甚眾賈拔勝李淵至河東祥帥六縣十餘萬戶

歸之宇文泰以珍為平陽太守祥為行臺郎中東魏秦州

史薛崇禮守蒲坂其族弟善為別駕言於崇禮曰高歡有

君之罪善與兄忝衣冠餘世荷國恩今犬軍已臨而猶為

歎守一且禮陷送首長安署為逆賊死有餘愧近今歸款

為愈也崇禮釋薛不決善與族之謀納五等爵善與弟

慎固辭不受凡薛氏預開城之謀皆賜五等爵善與弟

將軍楊標父猛先為邵白水令農自河以北猶附東魏其

邵舉兵以應朝廷太祖許之標遂與其豪右相知請徵行

舉事密相應會者三千餘人為邵郡守行臺丞程保謀

及徒更為人並斬之表遺謀人誘設東魏城旬月之間

河南北汾絳於是大齊神武敗於沙苑其將韓軌潘樂

而拔之汾絳於是大齊神武敗於沙苑其將韓軌潘樂

殿標分兵要截殺傷甚眾東雍州刺史馬恭祖標威聲乘

山西通志卷八十四

大事記二

五

遁走標移據東雍州表行建州事建州遠在敵境其刺史車

折于洛出兵逆戰外擊敗之又破其行臺斛律俱於城西

神武欽大城晉州秦南汾東雍三州入并又欲棄晉州遣家

益及沙苑之敗徙薛南汾東雍三州入并又欲棄晉州遣家

蜀向英雉城行臺薛南汾東雍三州入并又欲棄晉州遣家

武怒日爾輩皆負我前不聽我城晉州入并又欲棄晉州遣家

日若失守則請誅斛律金日遣仰漢小兒使我家無所趨修

與兵馬神武從之斛律金日遣仰漢小兒使我家無所趨修

閉逼城下修義開門伏甲待之子事及西魏儀同長孫子彥

彥不測虛實遁去就拜晉州刺史

元象元年戊午西魏正月大都督賀拔仁攻西魏南汾州

拔之擒其刺史王子粲太保尉景攻克正平郡以為東雍

州遣薛榮祖鎮之西魏築玉壁城遣王思政自恆農徙鎮

之紀帝

興和元年己未西魏西魏將楊標遣奇兵急攻汾橋東雍

州刺史薛榮祖出城中兵於汾橋拒守其夜標從他道濟襲

克州城又擊南絳郡破之虜郡守屈僧珍本紀列傳

二年十二月阿玉羅別部遣使請降大丞相高歡帥眾迎之

出武川塞不見大獵而還同上

三年四月蠕蠕阿那瓌遣使迎蘭陵公主於新城之南六月

大丞相高歡親送公主於樓煩之北厚接其使阿那瓌大喜

自是邊境無事北齊書

四年十月大丞相高歡圍西魏玉壁十一月班師帝紀入汾絳

營四十里宇文泰使王思政守玉壁以斷其道

武定元年癸亥八月召夫五萬於肆州北山築城西

至馬陵戍東至土墜四十日罷帝紀

二年十一月西河地陷有火出大丞相高歡及世子澄討

山胡破之俘獲一萬戶分配諸州同上

三年正月高歡請於并州置晉陽宮以處配沒之口同上

四年八月高歡將西伐會兵晉陽九月圍玉壁西魏晉州刺史韋孝寬守玉壁頓軍五旬城不拔死者七萬人聚為一家有星墜於營眾驢並鳴士皆驚懼歡有疾十一月班師行臺侯景趣齊子嶺將攻邵郡西魏建州刺史楊標率騎禦之景聞標至斫木斷路者六十餘里退還河陽 丞相歡世子澄至晉陽有惡鳥集於庭樹澄令斛律光射殺之紀傳七年夏并州鄉郡地震靈徵志

右北魏並東西魏

北齊文宣帝天保元年庚午西魏六月以并州之太原為

新業所在王命是基蠲田租 十月己卯備法駕御金輅入

晉陽宮朝皇太后於內殿曲赦并州太原郡晉陽縣及相國

府四獄囚 十月西魏大丞相宇文泰至陝城分騎北渡遣

其行臺侯莫陳崇自齊子嶺趣軹關儀同楊標從鼓鐘道出
建州陷孤公戍詔司徒潘樂總大眾禦之樂由河陽晝夜兼
行至長子遣儀同韓永興從建州西趣崇西魏司馬育請為
齊將劉雅與丙寅帝親戎出次城東泰閭帝軍嚴盛歎曰高
歡不死矣時連雨自秋及冬馬驢多死遂於宏農北造橋濟
河自蒲坂還於是河南自洛陽河北自平陽以東皆入於齊

北齊書帝紀列傳

二年九月行幸晉陽帝紀

三年王申廢帝元年西魏正月帝親討庫莫奚於代郡大破之六

月車駕幸晉陽十月次黃檀嶺仍起長城北至社干成四

百餘里置三十六戍十二月壬子車駕還宮戊午幸晉陽

同上

四年七月山胡圍離石成帝親討之未至而還因巡三堆成大狩而還 十一月帝幸晉陽 十二月突厥攻蠕蠕蠕蠕舉國來奔帝自晉陽北討突厥迎納蠕蠕乃廢其主庫提立阿那瓌子菴羅辰爲主置之馬邑川給其廩餼繪帛親追突厥於朔方突厥請降許之而還同上

五年

甲戌 西魏 恭帝元年

正月帝親討山胡從離石道斛律金從顯

州道常山王演從晉州道大破之男子十三歲以上皆斬女子及幼弱賞軍獲雜畜十餘萬遂平石樓石樓絕險自魏世所不能至於是遠近山胡莫不懾服 三月蠕蠕菴羅辰叛帝親討大破之辰父子北遁 四月蠕蠕寇肆州帝自晉陽討之至恆州時虜騎散走大軍已還帝帥麾下二千餘騎夜宿黃爪堆蠕蠕別部萬騎扣鞍而進四面圍逼帝安睡平明

方起神色自若指畫軍形潰圍而出虜走追擊之伏尸二十里獲菴羅辰妻子生口三萬餘 五月北討蠕蠕又大破之六月蠕蠕遠遁時都督高阿那肱帥騎數千塞其走路以兵少請益帝更減其半阿那肱奮擊大破之 八月丁丑行幸晉陽 九月築洛陽四鎮帝親自臨幸欲以致西師西師不出乃如晉陽 十二月車駕北巡至達速嶺親覽山中險要將起長城

帝紀列傳

六年六月丁卯行幸晉陽壬申親討蠕蠕甲戌諸軍大會於祁連池乙亥出塞至庫狄谷百餘里內無水泉六軍渴乏俄而大雨七月己卯帝頓軍白道留輜重親率輕騎五千追蠕蠕壬午及於懷朔鎮帝躬當矢石頻大破之遂至沃野獲其俟利等并口二萬餘牛羊數十萬頭俟利郁久間李家提率

部人數百降 十月行幸晉陽 十一月詔發夫一百八十

萬人築長城自幽州北夏口西至恆州九百餘里帝紀

七年八月帝幸晉陽 十二月築長城自西河總秦戍東至

於海所築東西凡三千餘里六十里一戍其要害置州鎮凡

二十五所 晉州刺史斛律光襲破周天柱新安牛頭三戍

與周儀同王敬儻戰敗之帝紀列傳

八年丁丑周明帝元年十一月於長城內築重城自庫洛拔東

至鳴紇戍凡四百餘里帝紀

九年六月帝自晉陽北巡至祁連池 八月行幸晉陽同上

十年己卯武成元年正月庚寅帝如遼陽甘露寺二月丙戌帝於

甘露寺禪居深觀惟軍國大政奏聞三月戊辰帝至自遼陽

九月行幸晉陽十月甲午帝暴崩於晉陽宮太子殷即位

於晉陽宣德殿紀帝

廢帝乾明元年庚辰 武成二年 周正月以常山王演為大丞相三月

詔軍國事皆申晉陽稟大丞相 八月壬午常山王演即位

於晉陽宣德殿改元皇建廢帝為濟南王 十一月帝親戎

北討庫莫奚出長城虜奔遁分兵致討大獲牛馬括總入晉

陽宮同上

孝昭帝皇建二年辛巳 周武 帝保定元年八月帝在晉陽長廣王湛守

鄴帝遣使徵濟南王湛送至晉陽帝殺之 十一月帝出敗

馬驚墜地絕肋婁太后視疾問濟南所在者三帝不對太后

怒曰殺之耶不用吾言死其宜遂去不顧帝乃徵長廣王湛

立之是日崩於晉陽宮湛至晉陽發喪於崇德殿皇太后令

所司宣遺詔令丞相斛律金率百僚等勸進癸丑即皇帝位

於南宮大赦改皇建二年爲大甯元年

同上

河清元年十月行幸晉陽

同上

二年十二月周柱國楊忠帥突厥阿史那木可汗二十餘萬

人自恆州分爲三道殺掠吏人

忠出武川過故宅祭先人墓將士席捲二十餘鎮齊人守

陞嶺之隘忠縱兵奮擊大破之是時大雨雪連月南北千餘里

平地數尺霜晝下雨血於太原戊午帝至晉陽己未周軍逼

并州又遣大將軍達奚武帥眾數萬至東雍及晉州與突厥

相應時帝自鄴倍道兼行赴救突厥從北結陣而前東距汾

河西被風谷帝欲避之而東趙郡王叔河間王孝琬叩馬諫

乃命六軍進止皆取叔節度而使并州刺史段韶總之

帝紀

三年正月庚申周軍至城下而陣戰於城西周軍及突厥大

敗人畜死者相枕數百里不絕平原王段韶追出塞而還

通鑑

齊主登北城軍容甚盛突厥咎周人曰爾言齊亂故來伐之
今此兒亦眼中何可當耶周人以步卒為前鋒從西山
下去城二里許將欲逆擊之段韶曰步卒力勢有限今
又積雪逆戰非便不如陣以待之彼勞我逸破之必矣既而
齊悉其銳兵數謀而出突厥震駭引上西山不肯臨周
師大敗而遁突厥還至長城馬死且盡截稍杖之以歸

奚武成興等寇平陽尚書左僕射斛律光率步騎三萬禦之

成興等聞而退走光逐北遂入其境獲二千餘口而還

周書北道武自東道期會晉陽武至平陽後期不赴而忠已還武
尚未知齊將斛律明月遣武書日鴻鵠已翔於寥廓羅者猶
視於沮澤也武覽書乃班師五月壬辰行幸晉陽六月大雨晝夜不

止晉陽訛言有鬼兵百姓競擊銅鐵以捍之 閏九月周師

三道並出使其將揚標出軹關十一月太尉婁毅大破周軍

於軹關擒揚標標為邵州刺史鎮捍東境二十餘年數與齊

戰每嘗獲捷以此遂有輕敵之心既出軹關深入又不設備

眾敗遂降 十二月丁巳帝自晉陽南討丁卯至洛陽上

後主天統元年乙酉 周保定五年正月辛未幸晉陽 四月丙子傳

位於皇太子羣公上尊號為太上皇帝皇太子即位於晉陽

宮 十二月太上皇帝幸晉陽丁卯帝至自晉陽帝紀

二年丙戌 周天和元年正月庚子行幸晉陽二月庚戌太上皇帝至

自晉陽 八月太上皇帝幸晉陽同上

三年九月太上皇帝幸晉陽 十一月以晉陽大明殿成故

大赦免并州居城太原一郡來年租 是年并州汾水溢帝紀

五行志

四年四月太上皇帝幸晉陽 十二月詔晉陽官人及并州

太官官口二處其年六十以上及有癘患者仰所司簡放帝紀

五年三月行幸晉陽 四月詔以并州尚書省為大基靈寺

晉祠為大崇皇寺同上

武平元年

庚寅天和元年

八月行幸晉陽

十一月詔左丞相斛

律光出晉州道修城戍自華谷至龍門

同上

二年正月左丞相斛律光及周將韋孝寬戰於汾北破之

三月周齊王憲率眾出自龍門新蔡王康德潛軍宵遁憲乃

渡河攻伏龍等四城二日盡拔又攻張壁克之斛律明月時

在華谷乃北攻姚襄城陷之圍汾州憲遣柱國宇文盛運粟

饋之自入兩乳谷襲克柏社城使柱國譚公會築石殿城以

爲汾州之援平原王段韶蘭陵王長公引兵大至周大將軍

韓歡退走憲身自督戰日暮乃各收軍 六月段韶圍汾州

刺史楊敷固守韶曰城三面重澗皆無走路惟慮東南一道

耳精兵專守此必成擒令壯士千餘伏東澗口城中糧盡敷

走遂取汾州

北周書冢宰宇文護令中外府水曹參軍郭榮於汾州觀形勢時汾州與姚襄鎮相去懸遠

以爲二城孤迥勢不相救請於州鎮之間更築一城以相控
搆從之俄而齊將段孝先攻陷姚襄汾州二城惟榮所立者
獨能自守段孝先攻汾州護作浮橋出兵渡河與孝先戰孝
先於上流縱大筏以擊浮橋護令榮督便水者引取其筏以
動授大 八月行幸晉陽 九月曲赦并州界內死罪以下
都督

各有差 是歲并州獻五足牛尋發卒仙都苑穿池築山樓

殿間起窮華極麗 北史紀傳隋書五行志

三年 王辰周 八月行幸晉陽 帝紀

四年正月并州有狐媚多截人髮 十月行幸晉陽 同上

五年二月朔州行臺南安王思好反辛丑行幸晉陽思好進

軍陽曲尙書令唐邕等大破之思好投水死焚其尸并其妻

李氏 思好本高祖養子驍勇得邊鎮入心帝使樊臣至州不

禮之思好怒遂反云欲入除君側之惡進軍至陽曲軍
敗投水死其麾下二千人劉桃枝 五月大旱晉陽得死魃

圓之且殺且招終不降以至於盡 長二尺面頂各二目帝聞之使刻木爲其形以獻 八月行

幸晉陽 十月蒲州饑周帝詔遭饑乏絕者向鄆州以西及

荊州管內就食甲寅行幸蒲州曲赦見囚大辟以下北史本紀

六年七月行幸晉陽 八月周師入洛川遣左丞相高阿那

肱自晉陽禦之上同

七年正月周帝行幸河東涑川集諸軍校獵 十月帝幸晉

陽雉集於御座獲之有司不以聞 十月丙辰帝大狩於祁

連池周師攻晉州周書建德五年十月己酉帝總戎東伐以

軍總管隋國公楊堅為右三軍總管王儉為左一軍總管

大將竇泰為左二軍總管廣化公邱崇為左三軍總管

憲陳王純為前軍癸亥至晉州遣齊王憲率精騎二萬守雀

鼠谷陳王純步騎二萬守千五百里齊國公達奚震步騎一萬

守統軍川大將軍韓明步騎五千守齊于嶺烏氏公尹昇步

騎五千守鼓鐘鎮涼城公辛韶步騎五千守蒲津關柱國趙

王招步騎一萬自華谷攻齊汾州諸城柱國宇文盛步騎一

萬守汾水關遣內史王誼監六軍攻晉州帝屯於汾曲齊王

憲攻洪洞永安二城並拔之是夜虹見於晉州城上帝每

日自汾曲赴城下親督戰狹子齊行臺左丞侯子欽出降王申

齊晉州刺史崔嵩夜密使送款上開府王軌應之未明登城

遂克晉州甲戌以上開府梁士彥為晉州刺史以鎮之

傳周師逼平陽齊後主校獵於天池晉州頻遣馳奏從旦至

午驛馬三至高阿那肱云大家正作樂何急奏聞至暮使更

旦即欲引軍還淑如又請更合一國早 癸亥帝還晉陽甲子

出兵大集晉祠庚午帝發晉陽癸酉帝列陣而行上雞栖原

與周齊王憲相對至夜不戰周師斂陣而退齊王憲傳齊主

將兵十萬自來援之時柱國陳王純屯軍千里徑大將軍承

昌公橋屯雞栖原大將軍宇文盛守汾水關並受憲節度憲

密謂橋曰兵者詭道去留不定見機而作不得遵常汝今為

營不須張幕可伐柏為菴示有形勢令兵去之後賊猶致疑

也時齊主分軍萬人向千里徑又令其取出汾水關自率大

兵與橋對陣宇文盛馳騎告急憲自以千騎救之齊人望谷

中塵起相率遁退盛與柱國侯莫陳芮涉汾逐之多有斬獲

俄而橋告齊眾稍逼憲又勒軍赴會橋被勒追還率兵夜返

齊人果謂柏菴為帳幕 十一月周帝退還長安留備帥守

也不疑軍退翼日始悟 晉州高阿那肱等圍晉州戊寅帝至圍所

其兵新集且避之又詔諸軍班師遣齊王憲為後拒 列傳

齊主自帥眾追之高粱橋憲以精騎二千阻水為陣齊領軍

段暢直進至橋憲隔水招暢與語時陳王純梁公侯與陳芮
內使王誼等並在憲側暢固問不已憲乃曰我天子太弟齊
王也指陳王以並下並以名位告之暢鞭馬而去憲即命統
而齊人遣追之斬其驍將賀蘭豹子山傳環等百餘人齊軍
爲毀以拒之及帝於玉壁又令憲率兵六萬還援晉州憲進
退兼渡汾而帝於晉州利史及帝還齊後主親攻圍之樓
軍營涑水梁士彥爲晉州刺史及帝還齊後主親攻圍之樓
堞皆盡短兵相接士彥聲動天無不一當百齊兵少卻乃令
爾先於是勇猛齊奮號聲動三日而就通鑑齊人作地道攻
妻及軍人子餘步將士乘勢欲入齊主救旦止召馮淑
平陽城陷十餘步將士乘勢欲入齊主救旦止召馮淑
如觀之淑如妝點不時至周人以木拒塞之城遂不下十

二月戊申周帝來救晉州庚戌戰於城南齊軍大敗帝棄軍

先還周木紀初齊攻晉州恐周師卒至城南穿塹自喬山屬

乘常御馬從數人巡陣處分所至輒呼主帥姓名以慰勉之

將士各思自勵將戰有司請換馬塹塹南引帝大喜勸諸軍擊

齊主亦於塹北列陣申後齊人塹塹南引帝大喜勸諸軍擊

資甲仗數百委棄山積辛亥帝幸晉州仍率諸軍進阿那肱
甲寅齊主遣其丞相高阿那肱守高壁帝磨軍直進阿那肱
望風退散丙辰師次介休齊將韓建業舉城降軍進阿那肱
轅次於高顯齊王憲率所部先向晉州明日諸軍總集稍遲

卷一百一十五 七 齊書 卷一百一十五 七

城下齊人亦大出兵陣於營南帝召憲馳往觀之憲反命曰
是易與耳請破之而後食既而諸軍俱進應時大潰其夜齊
主遁走憲輕騎追之既及永安帝續至齊人收其餘眾復據
高壁及洛女砦帝命憲攻洛女砦破之明日與大軍會於介
休軍赴晉州高阿那肱請勿戰卻守高梁橋安吐根曰一
把子賊馬上刺取一擲汾河中上意未決諸內參曰彼亦天
子我亦天子彼尚能遠來我何為守整示弱上曰此言是也
於是漸進穆提娑觀戰東偏有退者提娑怖曰大家法大家
去帝以淑妃奔高梁開府奚長樂諫曰半進半退戰之常體
今兵眾全整未有傷敗陛下舍此安之御馬一動人情驚動
且速還安慰之武衛張常自後至亦曰軍尋收回甚整頓城
兵亦不動至尊宜迴不信臣言乞將內參往觀上將從之提
娑引上肘曰此言 癸丑入晉陽憂懼不知所之欲向北朔州
難信上遂北馳

乃留安德王延宗廣甯王孝珩等守晉陽密遣王康德與中
人齊紹等送皇太后皇太子於北朔州丙辰帝幸城南軍營
勞將士其夜欲遁諸將不從丁巳大赦改武平七年為隆化
元年除安德王延宗為相國委以備禦延宗流涕受命帝乃
夜斬五龍門而出欲走突厥從官多散領軍梅勝郎叩馬諫

乃回之鄰惟高阿那肱等十餘騎廣甯王孝珩襄城王彥道
 續之得數十人同行戊午延宗從眾議即皇帝位於晉陽改
 隆化爲德昌元年辛酉與周師戰於晉陽大敗爲周師所虜
 列傳平陽之役北齊後主自禦之命安德王延宗率右軍先
 戰城下擒周開府延宗獨全後主將奔晉陽延宗言大家
 靡諸軍敗延宗獨全後主將奔晉陽延宗言大家
 以兵馬付臣能破之帝不納及至并州又問周軍已入
 鼠谷乃以延宗爲相國并州刺史總山西兵事而奔邲將
 力請延宗延宗不爲相國并州刺史總山西兵事而奔邲將
 召而延宗延宗不爲相國并州刺史總山西兵事而奔邲將
 宮美女以賜將士籍沒內參干餘家見士卒皆親執手陳
 自名流涕鳴唳爭爲死童兒女子亦乘屋擗袂投磚石
 以藥周軍特進開府那盧安得守太谷以萬兵叛周軍圍
 陽望之如黑雲四合延宗親當周齊於城北奮大桴往來
 干子段暢拒城東延宗親當周齊於城北奮大桴往來
 戰所向無前尚書令史沮山亦肥大於城力捉長刀步從
 甚多武衛蘭芙蓉連延長皆死於陣和佛寺門屋系供照
 騎投周軍攻東門入夾擊之周軍大亂爭門相填齊人
 天地延宗與敬顯自門入夾擊之周軍大亂爭門相填齊人
 復破刺死者二千餘人周帝左右略盡自拔無路承齊人
 張壽甄率馬頭賀拔佛恩以鞭拂其後崎嶇僅得出齊人奮

擊畿中焉城東阮曲佛恩及降者皮之信為之尊僅免延宗
謂周帝崩於亂兵使於積口中求長鬣者不得齊人既勝入
坊飲酒盡醉臥延宗不復能整周帝出城飢甚欲通齊王愬
與往國王誼諫以為去必不免叛將段暢亦盛言城內空虛
周帝乃駐馬鳴角收兵俄頃復整詰且還攻東門周出晉
克之又入南門延宗力屈走至城北於人家見擒

右北齊

是

陽宮中金銀寶器珠冠麗服及宮女二千人班賜將士

年十月癸亥夜虹見於晉州城上十一月己卯河東地震

周武帝建德六年丁酉二月齊范陽王紹義據北朔州宇文神

舉進擊破之紹義奔突厥通鑑周主克并州以封輔相為北

多聚焉前率長趙穆司馬王當萬等謀執輔相迎任城王於

瀛州不果便迎定州刺史范陽王紹義紹義至馬邑輔相及

其虜韓阿奴等數十人皆齊故臣自肆州以北城二百八
餘盡從輔相及紹義至皆反焉紹義與蓋州刺史袁洪猛引
兵南欲取并州至新興而肆州已為周守前隊二儀同以所
部降周周兵擊顯州執刺史陸瑒又攻陷諸城紹義還保北
朔州宇文神舉軍逼馬邑紹義遣杜明遠拒之兵大敗紹義
日有死而已不能降人遂奔突厥突厥作鉢可汗甚愛重之

凡齊人在北者悉以隸之於是齊之州鎮
惟東雍州行臺傳伏未下其餘皆入於周
三月帝自鄴還
次晉州齊東雍州刺史傅伏以城降通鑑周主自鄴還至晉
臨汾水召伏伏於水間至尊何在阿那肱曰已發擒矣伏仰
天大哭帥眾入城於聽事前北面哀號良久然後出降周主
見之曰何不早下伏涕對曰臣當如此乃以所食羊肋骨賜伏
曰天地周主執其手曰為臣當如此乃以所食羊肋骨賜伏
使宿衛授上儀同大將軍十一月稽胡反齊王憲討平之
周敗齊於晉州齊所乘甲仗稽胡乘間竊之仍立劉蠡升之
孫沒鐸為主帝將討之議欲窮其巢穴齊王憲曰步落稽種
類多山谷險絕但當窮其魁首餘皆慰十二月行幸并州
撫送以憲督軍擊沒鐸擒之餘眾皆降

紀列

宣政元年戊戌三月戊辰於蒲州築宮 九月汾州劉受暹干

舉兵反詔上柱國越王盛為行軍元帥率眾討平之周書

靜帝大象元年己亥五月詔以潞州上黨郡為代國令代王宇

文達之國 突厥寇并州 六月詔山東諸州人修長城同上

二年五月相州總管蜀公尉遲迥起兵令其署行臺韓長業

攻潞州陷之執刺史趙威署州民郭子勝為刺史并州總管

李穆遣將取潞州執子勝周書列傳

右北周

隋文帝開皇元年辛丑四月築長城時汾州胡千餘人亡叛詔

汾州刺史韋冲綏懷之叛者月餘皆至隋書列傳

二年四月上柱國李充破突厥於河北山 五月突厥入長

城 六月上柱國李充破突厥於馬邑文帝紀

三年四月衛王爽破突厥於白道 五月行軍總管李晃破

突厥於摩那渡口同上

七年二月發丁男十萬餘修築長城二旬而罷 十月癸亥

行幸蒲州丙寅宴父老極僮日此間人物衣服鮮麗容止閑

雅良由仕宦之鄉陶染成俗也同上

十年二月庚申行幸并州 五月罷北方沿邊新置軍府軍

人悉屬州縣同上

十二年十二月詔河北河東今年田租三分減一兵減半功

調全免食貨志

十五年六月鑿底柱 十二月勅盜邊糧一升已上皆斬並

籍沒其家帝紀

十六年六月并州大蝗同上

十九年正月詔僕射高穎出朔州伐突厥穎使柱國趙仲卿

將兵三千為前鋒過突厥於族蠡山大破之突厥復大舉而

至仲卿為方陳四面拒戰會穎大兵至合擊之於乞伏泊復

破之追度白道嶺踰秦山七百餘里而還 十月以突厥利

可汗為啟民可汗築大利城處其部落帝紀列傳 突厥傳

二十年四月突厥達頭可汗犯塞詔晉王廣等擊之太平公

史萬歲出朔州至大芹山與虜遇達頭引去萬歲馳追百餘

里縱擊大破之遂北入磧數百里而還通鑑

仁壽元年辛酉突厥達頭可汗犯塞遣柱國韓洪擊之洪率蔚

州刺史劉隆大將軍李藥王遇虜於恆安眾寡不敵洪四面

搏戰身被重創將士沮氣虜悉眾圍之洪偽與虜和圍稍解

率所領潰出死者大半平寇縣公李景適送義成公主至恆

安鎮率所領數百人援之力戰三日殺虜甚眾列傳

四年八月漢王諒反命楊素為并州道行軍總管河北安撫

大使討之進克蒲州時晉絳呂三州並為諒城守素各以二

千人縻之而去諒遣將趙子開擁眾十餘萬遮絕徑路屯涼
 高壁布陣五十里素令諸將以兵臨之自引奇兵潛入霍山
 緣崖谷而進直指其營一戰破之諒所署介州刺史梁修羅
 乘城走又破其將王世宗蕭摩訶等於清源進圍并州諒窮
 蹙出降餘黨悉平所部吏民坐死徙者二十餘萬諒將往介
 州令主簿豆盧毓與總管騎朱博留守毓斬海出司馬皇甫
 誕協計及開府蓋石侯宿勒武開府宇文承昌饒同成瑞長
 孫愷車騎安成侯諒元世孫胡守堞借諒胡不識諒射之箭
 分未定有入告諒遺胡守堞借諒胡不識諒射之箭下如雨
 諒攻城南門毓時遺胡守堞借諒胡不識諒射之箭下如雨
 諒復至西門守兵皆潰州人素諒諒即開門納之毓遂見害
 并力拒守素將輕騎五千襲潛於渭口宵濟運明擊之天保
 敗走聘于懼而以鍾葵兵三萬攻之城地不固攻其崩毀其
 將嵐州刺史喬鍾葵兵三萬攻之城地不固攻其崩毀其
 且戰且築士皆死門鍾葵屢敗景司馬馮孝慈司法呂玉並
 號勇善戰儀同三司侯莫陳又多謀畫善拒景推誠在
 圍月餘詔朔州刺史揚義臣救之義臣率馬步二萬夜出西
 徑鍾葵悉眾拒之義臣自以兵少悉取軍中牛驢得數千頭

命驅牛驢者鳴鼓疾進塵埃漲天鍾葵以為伏發大潰縱擊
之破是年代州總管府內井中瓮上生花如蓮并有龍見時

變為鐵馬甲士彎弓上射之象又有神人長數丈見於城下

其迹長四尺五寸

本紀列傳 五行志雁門采谷村有婦人
一肉卵大如斗埋之數日埋處雲霧盡

合從地雷震而上
之洞穴失卵所在 現

場帝大業三年卯正月敕并州逆黨已流配而逃亡者所獲

之處即宜斬 四月車駕北巡狩五月發河北十餘郡丁男

鑿太行山達於并州以通馳道六月辛巳獵於連谷戊子次

榆林郡甲辰上御北樓觀漁於河以宴百僚七月甲寅上於

郡城東御大帳其下備儀衛建旌旗宴啟民可汗及其部落

三千五百人奏百戲之樂賜啟民及其部落各有差八月壬

午駕發榆林啟民飾廬清道以候乘輿帝幸其帳宴賜極優

皇后亦幸義成公主帳癸巳發樓煩關王實次太原詔營晉

陽宮車馬發榆林甲士五十餘萬旌旗輻重千里不絕令宇

文愷等造觀風行殿容數百人離合為之下施輪軸又

作行城周二千步以布衣板樓櫓悉備胡人驚以為神帝幸

取民帳敵民奉觴上壽王侯以下袒割帳前莫敢仰視帝大

悅賦詩云呼韓頓顛至屠者接是歲發丁男百餘萬築長

城西距榆林東至紫河一旬而罷死者十五六帝紀

四年三月車駕幸五原因出塞巡長城 四月詔於汾水之

源起汾陽宮遂營建宮室環天池之上並築樓煩城 詔以

突厥意利珍豆可汗率領部落保附闕塞誠心懇切宜於萬

壽戍置城造屋其幄帳牀褥已上隨事量給務從優厚 七

月發丁男二十餘萬築長城自榆林谷以東 十月詔免長

城役者一年租賦 是年燕代緣邊諸郡旱太原廩馬死者

大半帝怒遣使案問主者曰每夜廩中馬無故自驚因而致

死帝令巫者視之巫者知將有遼左之役因希旨言先帝令

楊素史萬歲取之將鬼兵以伐遼也帝大悅因釋主者同上

五年代郡饑五行志

六年六月雁門賊帥尉文通聚眾三千保於莫壁谷遣鷹揚

楊伯泉擊破之紀帝

七年十月底柱山崩偃河逆流數十里同上

八年西突厥處羅克汗至分其部為三使處羅弟大奈將萬

餘居樓煩突厥傳

十年十一月離石胡劉苗王舉兵反自稱天子以其第六兒

為永安王眾至數萬將軍潘長文討之不能克帝紀唐書

龍兒大業十年舉兵自稱王以季真為太子第六兒為永安

王鋒甚銳連年擊不下後虎賁中郎將梁德破殺龍兒眾乃

山西通志卷之十四 大業十一年 四

十一年五月癸卯賊帥司馬長安破西河郡 己酉車駕幸

太原避暑汾陽宮 八月乙丑巡北塞戊辰突厥始畢可汗

率騎數十萬謀襲乘輿義成公主遣使告變壬申車駕馳幸

雁門癸酉突厥圍城官軍頻戰不利上大懼欲率精騎潰圍

而出民部尙書樊子蓋固諫乃至齊王暕以後軍保於崞縣

甲申詔天下諸郡募兵於是守令各來赴難九月甲辰突厥

解圍去丁未出赦雁門郡死罪已下唐書突厥圍煬帝於雁

援隸屯衛將軍雲定與說之日始畢敢舉兵圍天子必謂我

倉卒不能赴援故也宜畫則引旌旗數十里不絕夜則鉦鼓

相應虜必謂救兵大至望風遁去定與從之師次崞

縣突厥候騎馳告始畢曰王師大至由是解圍而遁 十二

月詔民部尙書樊子蓋發關中兵討絳郡賊敬盤陀柴保昌

等經年不能克帝紀

十二年正月雁門人翟松柏起兵於靈邱眾至數萬轉攻勞

縣 山西河東宣慰大使李淵擊絳郡賊柴保昌降其眾數

萬樊子蓋進討絳賊於時人物殷富子蓋善惡無所分別

長悉阮之擁眾數萬經年不能破賊詔徵還以謂代之有降

者淵引置左右出是賊眾多降舊唐書高祖記師次龍門

賊帥母端兒帥眾數千薄於城下高祖從十餘 四月魏刀

兒所部將甄翟兒復號歷山飛眾十萬寇太原將軍潘長文

討之為所敗長文死之 十二年詔以李淵為太原留守以

郎將王威高君雅為之輔將兵討甄翟兒遇於雀鼠谷淵眾

繼數千賊圍數匝李世民將精兵救之拔淵於萬眾之中會

步兵至合擊大破之 突厥犯塞詔李淵與馬邑太守劉仁

恭擊之兵少不敵淵選精騎二千為游軍居處飲食隨水草

如突厥而射獵馳騁示以閒暇別選善射者伏為奇兵寇見

淵疑不敢戰乘而擊之突厥敗走其二特勒將兵南過馬邑

眾亦潰仁恭縱兵乘之獲數千級並斬二特勒帝紀列傳

十三年二月馬邑校尉劉武周殺太守劉仁恭舉兵作亂北

連突厥自稱定楊可汗通鑑武周襲破樓煩郡進取汾陽官

以馬報之兵勢益振又攻陷定襄突厥立武周為定楊可汗

遺以狼頭纛武周即皇帝位改元以衛士楊伏念為左僕射

為內史令 雁門丞陳孝意虎賁郎將王智辨合兵討劉

武周圍桑乾鎮會突厥至武周與共擊智辨破之智辨死孝

意奔還雁門三月圍雁門孝意悉力拒守百餘日食盡校尉

張倫殺孝意以降 五月甲子唐公李淵起師於太原丙寅

突厥寇太原擊破之通鑑淵命世民與劉文靜長孫願德劉

人王威高君雅見兵大集疑淵有異志欲因晉祠祈雨討淵

淵使世民伏兵於晉陽宮城之外執威君雅繫獄會突厥數

萬眾寇晉陽令裴寂等勒兵為備悉開諸城突厥不敢進眾

以為威君雅實召之也於是斬威君雅以徇突厥大掠而去

六月唐公淵傳檄諸郡稱義兵以子建成為隴西公左領

軍大都督世民為敦煌公右領軍大都督元吉為姑臧公留
守晉陽宮引兵巡西河至城下郡丞高德儒閉城拒守攻拔
之殺德儒七月進師靈石營於賈胡堡隋將宋老生帥精兵

二萬屯霍邑大將屈突通將驍果數萬屯河東拒之會積雨

師不得進遣通議大夫張綸等率師經略離石龍城文城諸

郡大唐起居注張綸自離石下龍泉文城等郡獲文城太守

郡華公鄭元璠送焉帝見元璠釋而遣之隋書大業末突

厥屢寇邊塞賊劉六兒復劫離石郡境太守楊子崇上表

請兵鎮遏上令子崇巡行長城子崇出百餘里四面路絕不

得進而歸時饑盜羣起朔方梁師都馬邑劉武周等各稱兵

部中復城聚及自孟門關歸左右開太原兵起不復入城各

散去後數日唐兵夜至城下城中聚八月趣霍邑宋老生

傑出應之城陷子崇為晉家所殺
引兵分道而出戰於城東少卻世民自南原引兵馳下衝老
生陣出其背老生兵敗投擊劉宏基就斬之僵尸數里日已
暮即命登城時無攻具將士肉薄而登遂克之丙戌至臨汾

絳郡通守陳叔達拒守進攻克之獲陳叔達遂至龍門汾陰

韓城皆下九月留諸將屯河東自引軍濟河而西舊唐書本

龍門突厥始畢可汗遣康利率兵與劉文靜會於慶州以隋

驍衛大將軍屈突進德不謀而至於前其眾數百人九月

阻於水濱居人競進舟楫賊帥白元度各率其眾送并具

王寅馮翊賊帥高士華與統軍王長恭劉宏基引兵渡河

舟楫以待義師高士華與統軍王長恭劉宏基引兵渡河

屈突通遣武牙將高士華與統軍王長恭劉宏基引兵渡河

太宗以遊騎數百掩其後顯和潰散義師復振丙辰守不

乃命蕭造以郡來降戊午高祖率眾圍濟河於長春宮

東縣戶曹任環亦說淵勿攻河東自龍門直濟河據永豐倉

吏必望塵服孫華之徒皆當遠迎淵悅以時關內羣盜惟華

使環說至汾陰以書招之華來見慰引軍而降西朝邑法曹

多遣使請降大起唐陰令李孝常以永豐倉降東分遣縣亦

二郡長使裴寂勒兵各守一帝親帥諸軍圍河東

為屈突果不敢出兵閉門自守帝登城東原上西望城中

士等志試遣上城遂不時速下帝日屈突宿衛舊人解安陣

師軍人既得上城遂不時速下帝日屈突宿衛舊人解安陣

山西通志卷八十四

大事記二

星

隊野戰非其所長嬰城善為捍禦我師常勝人必懼之襲殺
先登恐無還路今且示威而已未是攻城之時殺人得城如
何可用乃還命
諸將移營河渚
十二月屈突通降於唐公唐遣通招河東
通守堯君素不下并州人王君廓擊河東丞丁榮於夏縣
破之以眾降唐
隋書本紀列傳
新舊唐書紀傳

右隋